



DEARVVAHUS  
20.10.2021

## Norgga Sámedikki rahpan

### Suoma Sámedikki dearvuodat

Gudnejahtton Majestehta gonagas Harald, gonagaslaš allavuohta ruvnaprinsa Haakon, Norgga Sámedikki áirasat ja buorit árvoguossit,

Giittán bovdejumi ovddas Sámedikki rahpandoaluide. Munnje lea illu ja gudni beassat buktit didjiide Suoma Sámedikki dearvvuodaid ja sávvat lihku odđa sámediggeáirasiidda válljejami ovddas.

Stuorra sámiide guoski gažaldagat leat mielde maiddái dán odđa válgabajis. Mánngat dain gažaldagain gusket midjiide sápmelaččaide rastá riikkarájaid, ja danin ovttasbargu dáid áššiid ovdii buot golmma Sámedikki gaskka lea duodaid dehálaš. Dán rádjai ovttasbargomet lea doaibman bures Sámi parlamentáralaš ráđi olis ja maiddái iešguđetge Sámedikkiid gaskka. Háliidange giitit ovddit válgabaji Sámedikki ságadoalli Aili Keskitalo ja eará sámediggeáirasiid dán ovttasbarggus, ja sávan diedusge, ahte buorre ovttasbargu joatkašuvvá maiddái dán válgabajis.

Sámi parlamentáralaš ráđđi lea dehálamos orgána mii vástida rájaid rasttildeaddji sápmelaš parlamentáralaš ovttasbarggus. Sávan, ahte boahttevuodas mis livččii vejolašvuohta ain nannet dan barggu ja ovddidit ovttasbarggu dan stivrra oasis.

Sápmelaš parlamentáralaš ráđi olis leat álggahan barggu ee. oktasaš sápmelaš kulturárbbi ja árbevirolaš dieđu hálldašeami, suodjaleami ja ávkkástallama guoskevaš linnjemiid hábmema ovdii. Anán dán barggu duodaid dehálažžan ja sávan, ahte bargu ášši ollašuvvama ovdii joatkašuvvá maiddái dás ovddos.

Mii leat bargan čavga ovttasbarggu maiddái ovdamearkka dihtii eamiálbmotgielaid logijagi olis, mii álgá boahte jagi 2022, sihke olmmošriekteráđis eamiálbmogiid oassálastinvejolašvuodaid buorideami ovdii. Sávange, ahte maiddái Sámedikkid dás duohko atnet dáid áššiid dehálažžan.

Máinnašuvvon temáid lassin gávdnojit vel mánngat oktasaš gažaldagat ja hástalusat, mat gusket Sámedikkiide sihke Suomas ja Norggas. Mánngat hástalusat váikkuhit njuolga min sápmelaččaid rivttiid ollašuvvamii eamiálbmogin. Okta ovdamearka lea Deanu guolásteami ráddjen mannan geasi. Nubbi ovdamearka fas lea dakkár eanangeavaheami lassáneapmi Sámis, mii gilvala min árbevirolaš

ealáhusaiguin ja gáržžida daid ceavzinvejolašvuodaid. Ee. dáid áššiiguin Sámedikkis leat bargan jo guhká, ja dáid áššiiguin bargan orru joatkašuvvamin maiddái boahttevuhthii.

Seammás go lea buorre leat didolaš dan stuorra barggus mii lea ovddabealde, berret muitit maiddái mo sápmelaččaid rievttit leat ovdánan manjimus áiggiid. Mannan vahkus oaččuimet lohkat odđasiin Norgga alimus rievtti duomus, man mielde bieggafápmopárrkkaid huksen lea rihkkon sámiid vuoigatvuodaid eamiálbmogin.

Jagis 2019 ON:id olmmošriektekomitea attii guokte čovdosa, maid mielde Suopma lea loavkidan siviila- ja politihkalašvuoigatvuodaid guoski oktasašsoahpamuša erenomážit áššiin, mat laktásit sápmelaččaid iešmearridanvuoigatvuhtii válgalogahallama guoskevaš gažaldagaiguin. Dál dát mearrádusat leat guovddážis barggus, mii guoská sámediggelága ođasmahttimii Suoma bealde.

Dát guokte ovdamearkka addet mu mielas midjiide doavvu das, ahte dan barggus, maid mii bargat sihke Sámedikkis ja viidábut sámi servodagas, lea mearkkašupmi. Vaikko áššit rivdet gulul, dat rivdet.

Sávan didjiide dál válljejuvvon sámediggeáirasiidda návccaid, roahkkatvuoda ja erenomážit viisodaga odđa válgabaji bargguide.

Giitu!